



UNIVERSITÄTS-
BIBLIOTHEK
PADERBORN

**Series Romanorum Pontificum Cum Reflexionibus
Historicis**

Kolb, Gregor

Augustæ Vindelicorum, 1727

VD18 14497719

Seculum Quartum.

[urn:nbn:de:hbz:466:1-70934](#)

- XXVI. Miracula plurima. D. Petrus, D. Paulus, D. Clemens. &c. &c.
 XXVII. Stationes seu Processiones. D. Cletus.
 XXVIII. Præsentia Parochi in contrahendis Nuptiis. D. Soter.
 XXIX. Assistentia patrinorum in levandis ex Baptismatis lavacro neophytis. D. Hyginus.
 XXX. Sententia Excommunicationis &c. Vide Seculum XVII. ubi ex instituto hac de re agitur. En! tibi Auctores, vel ipsos primos Pontifices, vel Patres primigeniæ Ecclesiæ.

Atque hæc rerum capita vel singula vel certè multa etiam in heterodoxorum Historiographis passim inveniuntur, qui tamen, si paucos excipiamus, facile concedunt, quod tribus minimum à nato Christo Seculis Romana Ecclesia à recto vitæ ac Fidei tramite non deflexerit. Notent igitur sibi, quam longè ipsi à veræ Fidei, ac melioris vitæ tramite abiérint; cum ipsorum Fidei ac vitæ norma trium primorum Seculorum Ecclesiæ sit dissimillima, non verò sic nostra. Verùm de his plura dabunt ventura hic Secula, & præsertim C. Bellarminus.

Seculum Quartum.

XXXI. D. Marcellus, Romanus.

AMarcellino diversus Pontifex, epistolam rationum pondere gravissimam scripsit ad Episcopos Antiochenæ provinciæ, in qua litem oppidò gravem moverunt Episcopi haudquaquam animarum zelō, sed arrogantiæ fastu accensi. Eadem epistolâ non obscurè significavit, nullum Concilium jure celebrari posse, nisi authoritate Romani Præfulis approbatum. Atque dum ingens Ecclesiæ damnum hac ex parte impedire laboravit, incrementum ex parte altera eidem dedit, dum in Urbe novas quinque Parochias erexit, quibus virginis quinque diversos eosque sacros præesse jussit ministros, ut sacra fidelibus ritè subministrarent. Ejusdem Pontificis hortatu Lucina eximiæ probitatis vídua Romana bonorum suorum hæredem scripsit Ecclesiam, lares proprios in ædem Sacram convertens, quam D. Marcelli templum posteri dixerunt: Priscilla verò Lucinæ par animo mulier in via Salaria cœmeterium copiosis sumptibus extruxit, ex quo D. Marcellini cadaver denique

D. Mar-

D. Marcellus in Vaticanum transfulit, monita D. Petri, quem sibi conspi-
cum habuit, secutus. Fuere hæc, ob quæ vice altera Maxentius Tyran-
nus Marcellum ad equorum cryptas condemnavit, ut inter Agasones vi-
lissimis operam daret negotiis: Vir verò non nisi ad summa munia natus
summo didicit esse loco, dum fuit in infimo, ex quo denique ærumnis
consumptus evolavit ad supremos cœlorum apices anno 309. Sedis 5.

XXXII. D. Eusebius, Græcus.

MEDICI filius & ipse primùm medicus fuit. Demum creatus Pontifex sedulò præter alia plurima curavit incruentum Chri-
sti Servatoris corpus, quod quia in sindone linea eaque mun-
da sepultum fuerat, in linea, pura, eaque candida tela præcepit reponi à
Sacerdote Sacrum faciente. Duos alios Eusebios vidit tunc Ecclesia, al-
terum Sardum Vercellensem denique Episcopum, Arianorum malleum
vocatum, quem parvulum D. Eusebius Pontifex sacrò Baptismatis lava-
crò mundavit: alterum verò Arianorum socium, teste Hieronymo, Cæ-
farea Palæstinæ Episcopum habuit eo solùm nomine celebrem, quod
multos libros conscripsit, quibus Ecclesiæ statum se elucubrâsse existi-
mavit. Præter Arianos sibi infestos habuit Eusebius Pontifex Donati-
stas, quorum tamen plurimos seriâ pœnitentiâ contritos solâ manuum
impositione Ecclesiæ restituit, suò & aliorum summò solatiō, quod auxit
etiam Divina Nemesis, dum acerbissimos Christiani nominis persecuto-
res Maximianum & Maxentium è medio sustulit, hunc nempe à Con-
stantino magno in Tyberim demersum, illum verò ulcere pessimo percus-
sum. Eusebius itaque ferè omnium Pontificum primus Martyr non fuit,
si mortem, non mentem spectare lubeat. Mortuus est anno 311. Sedis 2.

XXXIII. D. Melchiades, Africanus.

INTER Pontifices hactenus ex parte felicissimus Constantinus Ma-
gnum Imperatorem non modò sibi benevolum, sed etiam summè
munificum expertus fuit: penates enim Plautii Laterani, viri Ro-
mæ Patritii, quem Nero Fidei odio occidi jussérat, dono datos accepit si-
bi & venturis Successoribus peropportunum domicilium. Tam amicè
F 3 igitur

igitur ab ipso Augusto habitus, omnem curam eò convertit, ut in DEI Ecclesia ardor in dies augmentum sumeret, abusus verò penitus abolentur. Eum in finem Decreto stabilivit, ut candelabra minimum duo supra aram posita ardentes faces tenerent litante Sacerdote. Præcepto altero fideles omnes commonuit, ne extra verni jejunii tempora Dominico die, aut quintâ feriâ jejuniū sibi publicum indicium putarent, eò quod Ecclesiæ hostes iisdem diebus jejuniū sibi servandum promulgâsent, Orthodoxos ex parte imitaturi, ut Ecclesiam totam everterent. Stravit præterea Donatistis ex Africa in Italiam venientibus viam facilem, per quam eorum plurimi, qui Majorino contumaci hæretico nimirum quantum adhæserant, ad ovile Christi reducerentur: convocato enim Concilio Majorinum anathematis sententiâ condemnavit, Donatum verò primum novæ hæresis & gravissimæ seditionis auctorem confudit, ipsis etiam Donatistis ex eo tempore maximopere exosum. Cæterum introduxit etiam Melchiades usum sacri panis, quem Eulogias vocârunt; exdem à Summo Præsule Sacerdotibus & Parochiarum Curatoribus quinta verni jejunii Dominica tradebantur, ut in subditos greges distribuerent, simûlque eodem signo ad mutuam eamq; æternam charitatem sese accenderent, qua plenus D. Melchiades ad superos evolavit anno 313. Sedis 2.

XXXIV. D. Sylvester, Romanus.

Ex patre Rufino, matre Fausta sanctis parentibus natus Sanctissimus, Constantinus M. Imperatorem ritè credere & imperare docuit, coram quo Judæos instituta disputatione publica erroris sui convicit; quam ob rem Taurum Hebræum ab ipsis Hebræis trucidatum hisce verbis ad vitam revocavit: *si JESUS Christus, quem ego prædicô, verus est DEUS, de Virgine natus, surge protinus, & abjecta feritate consiste.* Dedit vim verbis DEUS, ut uno cum Judæo multi surgere & stare discerent. Alia plurima patravit miracula, & edidit Decreta, quibus statuit, ut Chrisma à solo conficeretur Episcopo. 2. Ut eodem confecto Chrismate Sacerdos summam capitis partem obliniret post collatum Baptisma. 3. Ut Diaconi Dalmaticis in Ecclesia & palla linostina ad Iævam uterentur. 4. Ut dies hebdomadis in certas ferias distinctæ manerent, Multa alia providentissimè juxtâ ac prudentissimè

Or-

ordinavit, dum pauperibus abundantissimè providit. Sylvestro adscribendum etiam est, quod Constantinus tantam auri alteriusque pretii summa Ecclesiæ dederit, ut Salomonem ab eo superatum fuisse aperte scripsérat Giaconius. Silentio hic præterimus ejus virtutes verè Pontificias, ob quas merito Sanctorum numero est adscriptus anno 335. Sedis 22, non completo.

XXXV. D. Marcus, Romanus.

DI VUM Marcum S. Sylvestri Successorem veterum scripta his exornarunt encomiis: *fuit Marcus vir bonus, justus, DEO fidelis ac multa virtute coruscus.* Ex quibus aliisque titulis simplicitatis & veritatis testimonium elucet. Ob multiplicem virtutem electus Pontifex continuò mandavit, ut à quovis Sacerdote sacris operante subjungeretur finitis Evangelii verbis Nicæni Concilii Symbolum, seu Fidei compendium. Novus hic orandi modus tunc maximè valuit contra Arium, qui blasphemis eousque inauditis unigenitum DEI Filium petere haud erubuit. Verùm vivere desijt subito turpissimum nactus vita exitum, dum vitam mortalem immortali commutavit Marcus, dissimillimus Ario in vita & morte, quam oppetiit nono Pontificatus mense anno 336. postquam Ostiensi Episcopo, à quo jam tum consecrari Pontifices consueverant, copiam sacri Pallii concessit, duasq; Romæ basilicas erexit, quas donis pretiosissimis exornavit Constantinus Magnus, Princeps in Ecclesiam Romanam semper munificentissimus, sed eam ob rem plurimū exosus ethnici & hæreticis.

XXXVI. D. Julius, Romanus.

CONTRA Arianos se Caput Ecclesiæ constanter ostendit ac probavit D. Athanasii Alexandrini Episcopi defensor invictissimus, cuius causam & Symbolum laudavit, totique Ecclesiæ commendavit; eorum vero causam reprobavit, qui Constantii Imperatoris viribus freti conciliabulum in Thracia coegerunt, & anathematis sententiam in ipsum Pontificem pronuntiârunt. Bruta sane fulmina! Ibi etiam Sardicensis Concilii acta suis turpissimis erroribus plurimū fœdrunt, colorem à virtute mutantes, ut sua vitia tegerent. Celebravit nempe Julius

Julius geminam Synodum, alteram Romæ, alteram verò Sardicæ, in qua numerati sunt Orthodoxi Episcopi trecenti, à quibus damnatus est denuo Arius salvò semper Juliō, maximè dum mortuus est anno 352. Pont. 15. 5. Mens.

XXXVII. Liberius, & XXXVIII. D. Felix, Romani.

FERVEBANT identidem magis Arrianorum furiae, quibus D. Athanasium in exilium ejici cupiebant, missis cam ob rem Legatis ad Liberium Pontificem, qui tamen ab hoc iniurissimo proposito primùm precibus, inde verò animi constantiâ, quâ exilium in duos annos pertulerat, Constantium Imperatorem avocare conatus est. Sedem Romæ interea Felix Archi-Diaconus Romanus Imperatoris operâ adjutus concendit, eò quod cum Arianis Constantinus speraret, fore, ut in Athanasii condemnationem consentiret facile novus Pontifex Cæfari haud ingratus. At diversa longè ostendit eventus; Felix enim à se totus jam diversus convocatô quadraginta & octo Episcoporum Conciliô Athanasii acta comprobavit, Arianos è contrario condemnavit, anathematis pœnâ etiam in Cæfarem latâ, nisi hac in parte Ecclesiæ obediret. Mox igitur Constantius revocavit ex suo exilio Liberium, eumque suam in sedem restitutum blanditiis eò abduxit, ut in Athanasii exilium consenserit, vel consensisse fuerit visus omnibus. Duo itaque ad speciem Pontifices duas in partes abstraxerunt Clericos, aliis Liborio, aliis Felici adhærentibus, quorum hic, Imperatore simûlque Arii sectatoribus è communione fidelium proscriptis, tandem ab iisdem captus & capite est plexus. Tum verò Liberius D. Felice è medio sublatu sibi denuo penitus & Ecclesiæ restitutus, Fidem, quam animo nunquam negârat, palam in Concilio Ariminensi, & dein Romano professus, eamque ob causam ab Arianis Româ pulsus, in cœmeteria Novellæ & Ostriani se recepit, ubi DEO, Ecclesiæ, sibique vacans vitam sanctè finiuit anno 367. Sedis 15.

XXXIX. D. Damasus, Hispanus.

Ob virtutem & doctrinæ excellentiam ab Episcopis Africæ *Pater Patrum* dictus, & demum Pontifex electus, Ursicinum æmulum Valentiniani II. Imperatoris ope à Summæ Sedis invasione impe-

impedit; adjutore autem Theodosio Magno Concilium Constantino-politanum I. indixit, cui interfueré centum quinquaginta Episcopi, à qui-bus Arius, Macedonius, Eunomius, Sabellius aliique hæretici sunt con-demnati. Idem acta Nicæna Synodi confirmavit, ejusdemque Symbo-lum approbat: Ariminensem verò conventum à Liberio Pontifice jam reiectum iterum reject. Psalmos Davidicos in Choro alternis vocibus recitari præcepit, Psalmis singulis addens hanc clausulam: *Gloria Patri & Filio &c.* quem psallendi modum ab Ecclesiæ exordio in Ecclesia fuisse demonstrat Baronius, novam tantum cantandi methodum à Damaso in-troductum agnoscentes. D. Hieronymo ob studiorum & virtutum æqua-litatem notissimus sèpè præsentem alloquiò, sèpiùs absentem litteris di-gnatus est, cuius proinde hortatu D. Ecclesiæ Doctor Psalterium 72. In-terpretum emendatum Græcæ Ecclesiæ reddidit. Taceo multa alia præ-ter ætatem, quam ad annos 80. pene produxit, septem & decem annorum Pontifex anno Redemptionis humanæ 384. mortuus.

XL. D. Siricius, Romanus.

IN Concilio Romæ congregato damnavit cum asseclis Jovinianum D. Ambrosio quondam subditum, quibus præ Virginitate Matrimonium extollere placuit adeò, ut Deiparam post Christum natum permansi- se Virginem pertinaciter negârint, non amore veritatis, sed libidine tra-cti. Damnati sunt iudicem omnes in Mediolanensi Synodo teste ipso D. Ambrosio, qui hunc in modum ad Siricum scripsit: *Itaque Jovinianum, Auxentium, Germinatorem, Felicem, Protinum, Genialem, Martianum, Januarium & Ingeniosum hæreticos, quos Sanctitas tua damnavit, scias apud nos quoque secundum judicium tuum esse damnatos.* Sententiam similem tulit Siricius in Manichæos pridem damnatos, iterumque damnandos, com-munem verò omnibus mortis sententiam ipse subiit anno 398. Sedis

13.

XLI. D. Anastasius, Romanus.

LAUDAVIT Anastasium Pontificem D. Hieronymus hisce lati-dibus: *Anastasius Apostolicæ sollicitudinis vir statim noxiun-perculit caput hæretorum, & sibilantia hydrae ora compe-scuit. Origenistas nimurum Romæ damnavit, & in Conciliis Ale-*

R. P. Kolb Series Pont. Pars I.

G

xandri.

xandrinus & Carthaginensi, ut damnarentur, pariter curavit. Corruptos etiam Clericorum mores iteratis legibus emendavit, probè memor continentiae, Ministris sacris pridem præscriptæ. Stare is ipse præcepit Christianum populum, cùm Evangelii verba à Sacerdote ad Aram faciente legerentur. Eos demum è numero Clericorum excludi mandavit, qui vitium corporis à natura aut casu accepissent, selectum virorum in ministerio Domini exposcens; cui, utpote ter Optimo, dandum ab homine, quod bonum est; id perbene præstít in vita & morte Anastasius an. 402. Sed. 4.

Reflexiones Historicæ supra IV. Seculum.

UNDECIM hoc Seculo numeravimus Pontifices; ex iis octo fuerunt, in quibus nec ipsi Pontificum inimici oculatissimi quicquam erroris notarunt. Tres tamen exorbitasse nimium, creduntur ab iis, qui credere nunquam bene didicerunt. 1. Eorum Liberius, 2. S. Felix, 3. Siricius fuit; hic à Calvinio accusatur, quod Conjugium verum ac legitimum appellaverit pollutionem: illi vero à Tillmanno Hes- husio & Joanne Hübner Arianæ hærefoes rei constituuntur.

Verum et si ipsi sint in re, (provocatus hic dicere compellor) verbis tamen ostendunt se nescire, quid sit hæresis, aut quis hæreticus: hoc enim si cepissent, facilè etiam caperent, nec Liberium, nec Felicem unquam fuisse hæreticum. Etsi namque DD. Athanasius & Hieronymus scriban t, *Liberium tædiò exilii inflexum tandem fuisse ad subscriptionem hærefoes*, atque hoc ipsum malit fateri C. Bellarminus, quam contrarium cum Sulpitio, Socrate, Sozomeno & Nicephoro afferere, non tamen Liberius hæresin unquam docuit, aut in hæresin lapsus est firmiter, minùs pertinaciter adhærens privato suo judicio, illudque anteponens totius veræ Ecclesiae sententiae, in quo consistit omnis hæresis; sed solum peccavit actu quodam externo, eo ferè modo, quo D. Marcellinus. Atque hoc ipsum docuit jam D. Athanasius paulò ante allatus, ajens: *Liberium invium coactum vi tormentorum fecisse, quod fecit; nec esse censendam ejus sententiam, quam mine & terrores extorserant, sed eam, quam protulit, cùm liberos haberet affectus.* Quod autem iudicium

dicium suum totius Ecclesiæ Sententiæ non pertinaciter antetulerit, ostendit aliás abundè, & post occisum D. Felicem maximè in duobus Conciliis, ac deinde in cœmeteriis, in quæ ab Arianis pulsus, in ærumnis maximis vitam sanctissimam vixit. Non solent nimirum illi, qui vel unquam tantum in hæresin consenserunt, & eam animò quasi nutritam foris produnt, facile suam mutare mentem, ex pessimis repente fieri optimi, uti innumeris exemplis suis hæretici pene omnes ostenderunt, qui ante & post Liberum extitère. Adeoque hic non expressè, sed ad summum interpretativè in hæresin consensit, dum D. Athanasium damnari permisit, & cum Valente & Ursacio communicavit, quos hæreticos esse vix ignorare potuit, licet Catholicos esse sese finxerint. Atque hanc D. Hieronymi sententiam fuisse scribit C. Bellarminus, quem hac de re pluribus differentem vide, sicut & Christophorum Ott &c. Denique cur adversarii nostri inclinant semper in partem deteriorem? cur contra, & non potius pro Libero loquuntur? eosdem enim latere non potuit Historia antiquissima Sulpitii, Socratis, Sozomeni & Nicephori, qui omnes testantur, Liberum de Fidei constantia nunquam aliquid remisisse. Certè si D. Hieronymus negasset, Liberum subscriptissime hæresi Arianæ, affirmasset verò, quod negat Hieronymus, quatuor dicti Authores, ambabus manibus amplexi fuissent horum, non verò D. Hieronymi opinionem. Ad summum igitur de constantia Liberii dubitare potuissent Lutherani Historici, non verò instar Evangelicæ veritatis asserere, Liberum Arianum fuisse.

Pari ratione de D. Felice respondetur, eundem Arianum nunquam fuisse, licet ob honorem sibi ab Arianis exhibitum communitatem cum ipsis habuerit; sicut non continuò Lutheranus est, licet Catholicus cum Lutheranis agat liberè. Imò si exteriùs simularet, Lutheri doctrinam probari sibi admodum, animò tamen Orthodoxam Fidem retineret, certè tales Lutherus suum esse non crederet. Videlicet, ut tradunt Historiæ, Roma Romipetas etiam ex Lutheranis & Calvinianis plurimos, qui ad pedes Pontificum sese abjecerunt, signaque alia non obscura ediderunt, quibus exteriùs se Romanæ Fidei addictos esse ostenderunt, toto autem corde Lutherum suum aut Calvinum retinuerunt. Quis, quæso, tales Orthodoxos, seu, ut loquuntur adversarii, Papistas fuisse dicat? Verum quid demum sequeretur, si D. Felix, quamdiu cum Arianis egit, hæreticus

cus fuisset? an ideo in haeresin incidiisset, dum Summus fuit Pontifex? haud sanè sequeretur, sed potius ex eo eluceret vel maxime Dei singularis providentia in Ecclesiam Romanam, quod D. Felix longè diversus subito fuerit factus, dum creatus est Pontifex: prius enim Constantio Imperatoris adhucrere Iesus est, ut verò Pontificem egit, Constantio aperte restitit. Prius ab Arianis promotus; dein verò ab iisdem Sede sua deturbatus fuit. Prius D. Athanasium condemnare credebatur, dein verò eiusdem causam comprobavit, Liberiique exulantis sententiam defendit. Prius ab Arianis Divo Felici inter congratulantium voces acclamatum fuerat, ut longissime viveret, postea verò ab iisdem in odium Romanæ Fidei capite plexus est. En! D. Felicis miracularem conversionem! Plura & clariora de Liberio & D. Felice legi possunt apud C. Bellarminum, Christophorum Ott & alios.

Calvinum jam paucis expediamus, qui accusavit Siricum Pontificem, quod Conjugium legitimum pollutionem vocaverit. Adeò nempe ignorarum ac stupidum fuisse Siricum existimavit Calvinus, ut homines nasci posse crediderit, veluti nascuntur in sylvis fungi, aut in campis lolium. Simplex sanè fuisset hic Pontifex; simpliciores fuissent Clerici, quod tale toti Ecclesiæ Caput formarent; aut verius fuit simplicissimus hac in parte Calvinus, quod talia sibi persuaserit; Sed forte, inquit mihi, nefas est simplicitatis cuiusdam argui Calvinum minimè simplicem. His ergo responso: arguat ipsum igitur C. Bellarminus impudentiæ & mendacii, qui de eodem ita hic scribit: *Sed Calvinus more suo impudenter mentitur: non enim Siricus Conjugium verum & legitimum pollutionem appellat; sed illicitam conjunctionem eorum, qui post peractam publicam pœnitentiam iterum redeunt ad eandem conjunctionem, propter quam pœnitentiam egerant. Nemo autem pœnitentiam unquam egit, quod inierit legitimum Matrimonium.* Hactenus Bellarmin. Noverint igitur Calviniani, in veteri etiam Ecclesia propter publica præsertim scelera fuisse persæpe injuncta publica pœnitentiæ opera, quæ homines peccatis innutriti sape peregerunt animo potius satisfacendi humano judici, quam Deo vindici; animo servili, haud filiali; affectu potius ad relapsum prono, quam ad emendationem parato. Tales igitur peractâ publicâ pœnitentiâ ad vomitum redierunt pejores prioribus. Atque talium carnalem amicitiam, perpetuam esse pollutionem, non autem legitimum Matrimonium, verè pronuntiavit Siricius.

Tan-

Tandem hujus Seculi Pontificibus immiscere voluerunt Conradus Halberstatensis & Magdeburgici Leonem quemdam nomine, quem scribunt Arianum fuisse, & eodem mortis genere obiisse, quo Arius perit. Verum de hoc Leone nihil meminerunt Scriptores omnes Veteres, nimurum Hieronymus, Augustinus, Optatus, Theodoreus, Ruffinus &c. Ejusdem etiam mentionem nullam faciunt Recentiores, ut Sigebertus, Martinus Polonus, Platina, & quotquot sunt alii alicujus nominis Historici. Qualem igitur novum Leonem, aut novum Arium confinxerit Halberstatensis, satis patet. Notarunt hoc ipsimet Magdeburgenses, sed non ad satietatem; ajunt enim, hanc de Leone Papa opinionem non esse improbatum. His scilicet improbatum illud non est, quod non est evidentissimum falsum, ipsis falsitates nimium amantibus.

Cæterum si vitæ exitus Arii & hujus putatitii Leonis tantopere displicet Halberstatensibus & Magdeburgicis, cur ad Lutheri & Calvini mortem non magis reflecent mentis oculos? de quorum utroque testantur Authores fide non indigni, eos interisse morte haudquaquam honorifica, Lutherum nempe potu nimio crapulosum somno obrutum fuisse ultimo; Calvinum verò & Herodem ejusdem mortis genere extintum fuisse, morbo nimurum pediculari. Verum negabunt hoc utrumque tam Calviniani, quam Lutherani, vel si inficiari nequeant, dicent ejuscmodi vitæ exitum sèpè non fuisse deterioris vitæ aut mortis indicium. Evidem & hoc non negabunt Romani, præsertim si melioris vitæ argumenta mortis horam præcesserint. Cur verò Hübnerus & alii ineptissimi critici tantopere sibi complacent in morte Philippi II. Hispaniarum Regis? cum hoc de Rege Historici alii notæ melioris & numeri majoris scribant, eundem febrium & arthritidis doloribus fuisse confessum. Adhac quod inter heroicos virtutum actus, & raræ patientiæ exempla vitam mortalem finierit, nec ipsis hostes latet. Non estigitur, cur

sic immorentur Hispaniæ vermibus & pediculis

Historici Lutherani,